

SUKAN BOMBA MALAYSIA (SUKBOM) 2024
PERATURAN PERTANDINGAN OLAHRAGA

1. PERATURAN AM

- 1.1 Selain daripada peraturan-peraturan yang terkandung, pertandingan ini akan dijalankan mengikut Undang-undang **IAAF**.
- 1.2 Sekiranya berlaku sebarang perselisihan dari segi pentafsirnya, maka Undang-undang dalam bahasa Inggeris yang terkini akan dipatuhi.
- 1.3 Kejadian diluar dugaan dan tidak dinyatakan dalam peraturan berkenaan akan diputuskan seperti berikut :-
 - 1.3.1 Sebarang kejadian akan diputuskan berasaskan kepada **PERATURAN AM SUKAN BOMBA MALAYSIA**.
 - 1.3.2 Sebarang persoalan teknikal akan diputuskan berasas kepada Undang-undang **IAAF**

2 TARIKH PERTANDINGAN

17 Ogos 2024 hingga 18 Ogos 2024

3. TEMPAT PERTANDINGAN

Stadium Mini Universiti Utara Malaysia (UUM), Sintok, Kedah

4. PENYERTAAN

- 4.1 Penyertaan adalah terbuka kepada semua kakitangan Jabatan Bomba dan Penyelamat, Malaysia dan Pegawai Bomba Bantuan (Ahli PERSKEB Negeri) serta kakitangan gunasama yang mewakili negeri-negeri dan Ibu Pejabat. Rujuk perkara 6 Peraturan Am SUKBOM.
- 4.2 Setiap peserta hanya boleh didaftar untuk menyertai tiga (3) acara perseorangan dan dua (2) acara berpasukan.

- 4.3 Setiap pasukan dibenarkan menyenaraikan hanya dua (2) orang peserta bagi acara perseorangan dan satu (1) pasukan bagi acara berpasukan.
- 4.4 Hanya peserta yang didaftarkan dengan yuran pendaftaran RM 10.00 setiap acara sahaja yang layak menyertai pertandingan ini.
- 4.5 Kategori Master adalah penyertaan bagi peserta yang berumur 45 tahun ke atas.

5. MESYUARAT PENGURUS PASUKAN

- 5.1 Mesyuarat Pengurus Pasukan akan diadakan mengikut ketetapan Biro Sukan Maskab
- 5.2 Pengurus-Pengurus Pasukan dikehendaki mengemukakan senarai nama peserta untuk disahkan. Tambahan kepada bilangan peserta yang telah didaftarkan tidak dibenarkan.
- 5.3 Senarai peserta yang disahkan semasa Mesyuarat Pengurus Pasukan adalah muktamad.

6. ACARA-ACARA

Pertandingan ini terbahagi kepada acara-acara seperti berikut :-

6.1 Balapan lelaki (Terbuka)

- a) 100 M
- b) 200 M
- c) 400 M
- d) 1500 M
- e) 3000 M
- f) 5000 M
- g) 4 x 100 M
- h) 4 x 400 M
- i) 1,500 M Master
- j) 3,000 M Master
- k) 10000 M

- l) 10000 M Master

6.2 Padang lelaki

- a) Lompat Jauh
- b) Lempar Cakera
- c) Lontar Peluru
- d) Lompat Tinggi

6.3 Balapan Wanita

- a) 100 M
- b) 200 M
- c) 400 M
- d) 4 x 100 M
- e) 4 x 400 M

7. SISTEM PERTANDINGAN

Bagi berat alat-alatan sukan seperti peluru dan cakera akan menggunakan kategori berat yang digunakan dalam mana-mana pertandingan senior.

8. MASA MELAPORKAN DIRI

8.1 Acara Balapan

Semua peserta hendaklah melaporkan diri kepada Penyelia Peserta 30 minit sebelum acara-acara mereka bermula.

8.2 Acara Padang

Semua peserta hendaklah melaporkan diri kepada Penyelia Peserta 30 minit sebelum acara-acara mereka bermula.

8.3 Sebarang perubahan atau pindaan mengenai perkara 9.1 dan 9.2 akan dimaklumkan kelak.

9. PENGGANTIAN

- 9.1 Bagi acara lari berganti-ganti, penggantian pelari boleh dibuat dengan peserta yang telah didaftarkan sahaja. Dengan itu semua nama peserta yang mengambil bahagian hendaklah diserahkan kepada pegawai bertugas bersama dengan Borang Penyertaan.
- 9.2 Seseorang peserta yang diterima sebagai pengganti dibenarkan mengambil bahagian dalam acara-acara yang telah didaftarkan oleh peserta yang menarik diri dan hendaklah dibuat semasa Mesyuarat Pengurus Pasukan. Bagi acara perseorangan dan berpasukan, peserta yang telah didaftarkan sahaja yang layak mengambil bahagian. Peserta gantian tidak dibenarkan.

10. PEMBATALAN

Semua peserta yang telah melayakkan diri dari pusingan awal ke pusingan berikutnya, tidak dibenarkan menarik diri daripada menyertai acara tersebut. Sekiranya berlaku, maka peserta berkenaan akan dibatalkan daripada pertandingan berikutnya kecuali dengan kebenaran daripada referi atau doktor (jika kecederaan).

11. ABJAD/NOMBOR PESERTA

Peserta tidak dibenarkan bertanding melainkan mereka memakai ABJAD/NOMBOR yang ditentukan dihadapan dan di belakang badan.

12. PAKAIAN

Pakaian yang digunakan adalah bersesuaian dengan acara yang dipertandingkan.

13. PERALATAN

Semua peralatan termasuk Blok Permulaan (*Starting Block*) akan disediakan oleh Jawatankuasa Teknikal dan Pertandingan.

14. SARINGAN

14.1 Lima (5) Saringan

Hanya dua (2) peserta dari setiap saringan dan enam (6) lagi peserta yang mencatat masa terbaik dari kelima-lima adalah layak memasuki peringkat Separuh Akhir.

14.2 Empat (4) Saringan

Hanya tiga (3) peserta dari setiap saringan dan empat (4) lagi peserta yang mencatat masa terbaik dari keempat-empat adalah layak memasuki peringkat Separuh Akhir.

14.3 Tiga (3) Peringkat Separuh Akhir

Hanya dua (2) peserta dari setiap separuh akhir dan dua (2) lagi peserta yang mencatatkan masa yang terbaik dari ketiga-tiga separuh akhir adalah layak memasuki peringkat akhir

14.4 Dua (2) Peringkat Separuh Akhir

Hanya tiga (3) peserta dari setiap separuh akhir dan dua (2) lagi peserta yang mencatatkan masa yang terbaik dari ketiga-tiga separuh akhir adalah layak memasuki peringkat akhir

15. PEMBAHAGIAN LORONG

15.1 Semua pembahagian lorong akan dijalankan oleh Jawatankuasa Teknikal dan Pertandingan Olahraga.

15.2 Bagi pusingan pertama, setiap peserta akan diundi untuk menentukan lorong masing-masing.

15.3 Bagi pusingan berikutnya, maka dua (2) undian akan dibuat seperti berikut :-

15.3.1 Undian pertama adalah untuk empat peserta atau pasukan yang telah mencatat masa terpantas bagi memutuskan tempat-tempat mereka di lorong 3, 4, 5 dan 6

15.3.2 Undian kedua adalah untuk empat peserta atau pasukan lain yang telah melayakkan diri bagi memutuskan tempat mereka di lorong 1, 2, 7 dan 8

15.4 Peraturan 14 adalah menjadi tanggungjawab Jawatankuasa Teknikal dan Pertandingan

16. PENGADIL / PEGAWAI PERTANDINGAN

16.1 Semua pegawai Teknikal yang bertauliah akan dilantik oleh Pengelola setelah berunding dengan Biro Sukan MASKAB.

16.2 Keputusan Pegawai Teknikal dalam setiap pertandingan adalah muktamad.

17. BANTAHAN / TATATERTIB

17.1 Semua pasukan boleh membuat bantahan. Hanya Pengurus Pasukan sahaja dibenarkan membuat bantahan. Bantahan hendaklah secara bertulis dan disertakan dengan wang pertaruhan sebanyak RM 500.00

17.2 Wang pertaruhan akan luput jika bantahan yang dikemukakan itu didapati tidak wajar.

17.3 Setiap bantahan hendaklah dihantar kepada Pengerusi Pertandingan dalam masa tiga puluh (30) minit selepas pertandingan itu tamat. Walau bagaimanapun semua prosedur aturcara bantahan hendaklah mengikut amalan yang digunakan oleh Biro Sukan MASKAB.

18. JAWATANKUASA BANTAHAN / TATATERTIB

18.1 Perlantikan Jawatankuasa Bantahan/tatatertib dan prosedur aturcara mesyuarat adalah mengikut yang digunakan oleh Biro Sukan MASKAB.

18.2 Jawatankuasa Bantahan/tatatertib berhak mendapatkan sebarang maklumat daripada mana-mana pihak berkaitan dengan perkara yang dibincangkan untuk membuat sesuatu keputusan.

18.3 Semua keputusan yang dibuat oleh Jawatankuasa ini adalah muktamad.

19. KAWASAN PERTANDINGAN

Hanya pegawai-pegawai pertandingan yang bertugas dan peserta-peserta yang sedang bertanding sahaja dalam acara masing-masing dibenarkan berada dalam kawasan pertandingan.

20. HADIAH

Pingat-pingat akan disediakan seperti berikut :-

	ACARA	EMAS	PERAK	GANGSA
LELAKI (TERBUKA)				
1.	100 M	1	1	1
2.	200 M	1	1	1
3.	400 M	1	1	1
4.	1,500 M	1	1	1
5.	3,000 M	1	1	1
6.	5,000 M	1	1	1
7.	4 x 100 M	1 (4)	1 (4)	1 (4)
8.	4 x 400 M	1 (4)	1 (4)	1 (4)
9.	1,500 M Master	1	1	1
10.	3,000 M Master	1	1	1
11.	10000 M	1	1	1
12.	10000 M Master	1	1	1
13.	Lompat Jauh	1	1	1
14.	Lempar Cakera	1	1	1
15.	Lontar Peluru	1	1	1
16.	Lompat Tinggi	1	1	1
WANITA (TERBUKA)				
17.	100 M	1	1	1
18.	200 M	1	1	1
19.	400 M	1	1	1

20.	4 x 100 M	1 (4)	1 (4)	1 (4)
21.	4 x 400 M	1 (4)	1 (4)	1 (4)

Disediakan oleh:

Biro Sukan MASKAB